

Enformaziuns y Comunicaziuns

Corona: Tal mëns d'otober - mëns dal Rosare, orunse medité deplü la Corona. Dlungia les atres ocasiunis te dlijia, gnarál ince perié la Corona te capela dal Ciüch. I s'encuntun vigné vëndres ales 18:00. Düc é bënodüs.

Ministronc: Dai 24 ai 27.02.2020 jará i minis coi atri grups dla diozeja por sanc a Roma. Söle program él na roda te ciüté, S. Mëssa de Capiun tla Basilica de San Pire y udiënza dal Papa. Por daidé finanzié le iade sarál la proscima domëgna do la prozesciun i minis co dá fora patüc duc, do na spënorá de bona man. Iolan belo damperfora.

Edemes dla Sanité: I Consëis de Formaziun d'Al Plan, La Pli y Rina enviëia ai referac por les "Edemes dla sanité 2019" Cösc é le program: **Lönesc 30.09. ales 20:00 tal salf dla Raiffeisen d'Al Plan:** "Zero Waste - Ein Haushalt ohne Müll, ist das möglich?". Ref.: Maria Lobis Zanotti; **Dedemesaledema 02.10. ales 20:00 te salf dles manifestaziuns da Rina:** "Burn-out Kids - Eine Gesellschaft im Optimierungswahn?". Ref.: Angelika Pezzi; **Vëndres 04.10. ales 20:00 te salf dles manifestaziuns d'La Pli:** "Genießen erlaubt, aber richtig! Wissen, verstehen und umsetzen!". Ref.: Ruth Niederkofler; **Lönesc 07.10. ales 20:00 te salf dles manifestaziuns d'La Pli:** "Pó demanco ince ester deplü?". Ref.: Christian Ferdigg; **Dedemesaledema 09.10. ales 20:00 te salf dla Raiffeisen d'Al Plan:** "Chaos im Kopf. Depressive Verstimmung, Burn out oder Depression". Ref.: Ivano Simioni; **Vëndres 11.10., ales 20:00 te salf dles manifestaziuns da Rina:** "Entgiftung - Regeneration - Abnehmen. Ist Intervallfasten wirklich die Lösung?", con Christine Pföstl

Prejentaziun: Düc é dër bel enviés ala prejentaziun dal liber "Pederü - Storia, stories y svilup" de Pablo Palfrader. En liber co cunta fostüs de storia sön le svilup dla Ücia da Pederü, sön i Pisching co l'á daorida y la manajëia ciamó encö, sön Pederü tal tomp de vera, les manovres dai soldas te munt y le tru por roé al parch natural. Döt cösc arichí con coriosités y avenimonc sozedüs ete por la Val de Mareo, y abelí con trec retrac storics y d'aldedancö. La prejentaziun é en vëndres ai 11 d'otober ales 19:00 ta Pederü. Dedô picio renfrësch y musiga con Alexander d'Al Plan y compagns.

Festa y mostra: La Ciasa de Palsa enviëia a na festa le dé dai seniors, en vëndres ai 4 d'otober ales 15:00. Al sará en domisdé de aorela cörta con musiga, café y val' de duc. Ales 16:30 gnarál daorí la mostra "Cun cura" metüda da jí deboriada con le Frauenmuseum da Hittisau. La mostra reverda le tema dal goern y dla cura.

Avis: Ai 29 de setëmber él en pelegriñaje co vën da Puster ete, porchël sará la strada danter San Laronz y Sares slüta dales 13:00 ales 15:30.

Marcé: La Uniun dai Ëi da Longiarü organisëia en marcé de patüc da d'invern de secunda man, por mitans y mituns. Al vën tigní ai 20 de otober dales 9:30 ales 12:00, te palestra da Longiarü. Chi co á val' da vëne, pó s'anunzié anter i 12 d'otober al 380 5145840 (dales 9:00 ales 12:00) o al 340 3242376 (dales 18:00 ales 21:00).



Plata dla Ploania Al Plan de Mareo San Vighile

Ploian: Signor Klaus Sottsas
E-Mail: ploaniaalplan@gmail.com

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA


www.unitepastorala.org

Ann 29.09.2019 - 26. Domëgna - dé mondial dai migranc y müciadus nr. 44

T'as belo ciafé töa pert de bën!

Dal Vagnele do San Luca 16, 19-31

Te chël tomp á Gejú dit: ¹⁹Al ea en iade en èl rich, co se iestia de purpur y lin fin y viea da de a de, s'la godenn y s'la denn bona. ²⁰Mo dan la porta dal ricun èl ponü en püre èl, co á ennom Lazarus, dal corp plën de plaies. ²¹Al s'ess ienn paré la fan con ci co tomâ jö de mësa dal ricun. Cinamai i cians gnea a ti leché söes plaies. ²²Do che le püre ea mort, él gnü porté dai agni tal gremo de Abraham. Ince le rich é mort y é gnü sopelí. ²³Tal somonn olach'al gnea tormenté da en gran dolor, ál ciaré sö y odea dalunc Abraham, y Lazarus te so gremo. ²⁴Danló ál scraié: Pere Abraham, mënete picé de me, y orcia Lazarus jö da me; al dess almanco tocé la piza de so dëit t'ega y mo renfresché la lënga, deache cösc fù mo tichenëia. ²⁵Abraham ti á rospognü: Mio möt, ponsa do, che t'as belo dertan töa vita ciafé töa pert de bën, Lazarus endere ma de slet. Sën vëgnel consolé por chël, tö endere mëss patí. ²⁶Emplü él danter nos y os en fossé dër sot co ne se lascia nia passé ia, tan che degügn ne sciafia da roé da tló ia da os, no da danló ca da nos, gnanca sc'an oress. ²⁷Spo á dit le ricun: Porchël te präii, pere, orcele tla ciasa de mio pere! ²⁸Deach'i á ciamó cin' fredesc. Al dess i amoní, ch'ai ne röii nia ince èi te cösc post de tortöra. ²⁹Mo Abraham ti á dit: Ai á Mosé y i profec, ai dess ascuté chi. ³⁰Al á rospognü: Na, pere Abraham, ma sce önn dai morc röa ia da d'èi, se convertiarái. ³¹Sön chëra á Abraham dit: Sc'ai n'ascuta nia Mosé y i profec, ne se lasciarái gnanca mazé ete da crëie, sce önn ressorësc dai morc. **Parora dal Signur. - Lalt a te, Gejú Crist!**



„Das Rosenkranzgebet ist ein Gebet des Herzens, nicht des eifrigen Mundwerks“ (Gabriele Burchardt). Die Hände haben etwas zum Greifen. Die Perlen und die Worte geben Halt und konzentrieren die Gedanken auf Christus, auf sein Leben, wie es die Bibel überliefert. Wie aber könnte man besser Christus näherkommen, als an der Seite seiner Mutter, die ihm am nächsten steht?

Edema liturgica dai 29.09. ai 06.10.2019	
DOM 29.	26. domegna ia por l'ann de mondial dai migranc y profugs <i>Arcangeli Michiel, Gabriel y Rafael</i>
08:30	<i>s.m. a La Pli</i>
10:00	Gran Messa por dōta la ploania <i>oferta por i debojūgns dla ploania</i>
Lön 30.	<i>Iarone, Urs y Viktor, Sofia</i>
07:30	S.M.. por +nt Isidoro Castlunger da Grones S.M. por +nta Lies Comploi de Mano S.M. por +nc' Giuseppe y Francesca d'Amico y Gilberto Rock S.M. por +nc' Francesco Mazza, Carlino Laudano y Pasquale Manceri
Ded 01.	<i>Tarejia dal Bambin Gejú (da Lisieux), Roman, Remigio, Werner</i>
19:30:	Corona dô intenziun
Dem 02.	<i>Sanc Angeli Custodi, Petrus, Hermann y Jakob</i>
18:00	S.M. por +nt Erlacher Franz, La Stōa S.M. por +nt Comploi Franz de Clara S.M. por +nt Anselmo Ferdigg S.M. por +nc' Silvana D'Amico, Fabrizio Cassuti y Graziano Nanetti
Jōb 03.	<i>beat Josef Mayr-Nusser, Cristina, Irmgard - de d'oraziun do vocaziuns</i>
	Vijita personala te dlijia y cortina
Ven 04.	<i>prōm vendres - festa de San Francesch d'Assisi, Mauro</i>
07:10	S.M. por +nc' Clara Franz y Maria S.M. por +nta Ludovina Erlacher S.M. por +nt Franz Obwegs, Garsun S.M. ad intenziun de na familia
Sab 05.	<i>Sabeda de Santa Maria, Faustina Kowalska, Meinolf</i>
18:00	S.M. por Fam. Anna y Edi Pizzinini y +nc' dla Familia S.M. por +nc' Lidia y Manlio Marcocci S.M. por les Püres Animes
DOM 06.	27. domegna ia por l'ann SEGRA DAL ROSARE <i>Bruno, Renato, Isidor, Adalbert</i>
08:30	<i>s.m. a La Pli</i>
10:00	Gran Messa por dōta la ploania prozesciun con le ciar dla recoüda <i>oferta por i debojūgns dla ploania</i>

Ponsier dla Domëgna

Dan da Idio é döt atramomter: Chël co n'á nia, vëgn t'en iade rich, y le rich é pordü. (*Vagnele*)

I ponsun do:

Lazarus é ince al dedaencö dan porta dal rich. Lazarus - chël é popolaziuns entieres, co mëss ciaré pro pla mësa dai ric. Cherdunse davèi, che al sides l'orenté de Dio - ch'al esist püri y ric? Ponsunse davèi, che i án le dërt, da avèi deplü co i atri? Le monn podess ciaré fora atramonter, sce an metëss plan plan man da dubité, che la spartiziun nanter ric y püri, corespognes al'orenté de Chël Bel Dio.

I periun:

Signur, nos án debojūgn de te. I ne podun nia nes salvé da susc. Daür nüsç cōrs, ch'i sunse bogh da capí to plann de salvëza por nos y por dōta la creaziun. Daür nostes mans, por ch'i podunse te sorví. Por Christ, nosc Signur. (*SB*)

Por donté na porsona de pesc (S. Francësch d'Assisi)

Signur, fá fora de me en stromont de töa pesc!

Olache al é sënn, fá ch'i portes l'amur!

Olache al é tort, fá ch'i portes le pordonn!

Olache al é stritaries, fá ch'i portes uniu!

Olache an fala, fá ch'i portes la verité!

Olache al é desperaziun,

fá ch'i portes speranza!

Olache al é tristëza, fá ch'i portes ligrëza!

Olache al é scür, fá ch'i portes lominus!

Signur, fá ch'i ciars plü de consolé

co de gní consolé,

plü de capí, co de gní capí,

de amé plü co de gní amé.

Ciodi che: sc'an dá, spo ciáfon,

sc'an pordona, spo vëgnon pordenés,

sc'an mör, spo ressorëscion a vita eterna.

Amen



Sorvisc dai Ministronc

Lönesc 30/09 (7:30h), Dedemesaledema 02/09 (18:00h), Vëndres 04/09 (07:10h): Madalena Deval, Pia Videsott;

Sabeda 05/09 (18:00h): Nathan Migliorati, Philip y Thomas Palfrader, Elisa Paola Iusco, Anna Maria Dunca, Jan Ties, Paul Trebo;

Domëgna 06/09 (09:30h) Segra dal Rosare - Racoüda: Elisa Frenademetz, Chantal Feichter, Sofia Castlunger, Jan Paul Promberger, Emma Daverda, Emanuel Frenademetz, Matteo Huber, Claudia y Susan Kaneider, Mattia Leggio, Michael Leimegger, Hannes Ploner, Isabel Ties, Elias Obojes;

N. B.: Düc i ministronc é entres begnodüs da gní a sorví, ince sce ai n'é nia scric söl!

